



Champagne Carnival Group a bay cu tur titulo di Prins y Pancho

DIADOMINGO anochi a tuma lugar na Sportboys, pa prome biaha den historia di Carnaval, eleccion di Prins & Pancho di Aruba su Carnaval. E competencia e aña aki no tabatin hopi participante. Pa ki motibo te ainda no ta mucho cla, maske cu SAC a cambia algun regla, pero esey no por t'e caso.

Notable ta cu Champagne Carnival Group a bay cu tur titulo di e monarcnan di Aruba su Carnaval.

Asina nos ta haya pa loke ta Prins y Pancho Infantil, a sali Prins: Lap den persona di D-Shawn Le Grand y su Pancho Top den persona di Zenon

Croes.

Prins & Pancho Hubenil di Aruba a bira Prins: Mira den persona di Mike Montero y su Pancho: Laga Para den persona di Joshua Geerman.

Prins & Pancho Grandi di Aruba su Carnaval a resulta den Prins: Cambio den persona di Jonathan Thiel y su Pancho: Dimes, den persona di Maurice Maduro.

Manera ya menciona, nan tur ta representa Champagne Carnival Group, cu pa prome biaha ta bay cu tur 3 titulo na nivel di Prins y Pancho di Aruba.

Aruba Pabien cu boso prome monarcnan di Aruba su Carnaval.

